

灌陽縣志卷之八

兵防志

易曰王公設險以守其國張仁愿亦謂築城固壘以守其攻蓋安內攘外必有備而後無患也然山川風土因時變更昔之所為險者今已不足恃昔之所為平者今或有可慮此制治保安者誠不容忽也舊志兵防簡畧未備茲悉采補以為未雨之綢繆庶覽者周知境地以度機宜而胸中自有成竹矣述兵防志

灌陽縣志

卷之八 兵防

兵制

明

洪武元年平章楊璟克復平定人民屬湖廣所轄無軍鎮守洪武二十六年猺獠生發本縣縣丞李源受具奏調湖廣都司寶慶衛指揮使孫宗領兵收捕至二十八年寧息調撥廣西所轄就於本年十一月二十四日開設守禦千戶所

灌陽縣守禦千戶所指揮僉事一員正千戶一員副千戶七員百戶十員鎮撫一員吏目一員司吏一

名旗軍一百八十六名又守城東西二營打手共七十二名新安堡打手二十名粟木堡打手八名獅子堡狼兵十名粟木堡狼兵四名三峯堡狼兵十八名

國朝定鼎定新兵制設分防城守

灌陽縣駐防城守官一員係全州營千把總輪撥每年十月初一日更換原撥防守兵九十名康熙二十三年奉部文裁汰一十四名今駐縣防守兵五十六名駐崇順里防守兵二十名俸餉俱全州

灌陽縣志

卷之八 兵防

二

營分發糧米本縣支給

民兵

明原額八里編民款一百三十名正德十四年被賊殘破具奏准併作五里編一百一十名就其內選百長二名每月以一百長帶款五十五名往守復順里定岡隘以禦夷獍往來以一百長領款五十五名在縣守城以備不虞他郡有警亦聽調用如此永為定式今廢

官署

明設守禦所在縣治東洪武二十八年建有威武堂
儀門大門後堂鎮撫廳吏目廳軍器局公廨俱全
自崇禎末年兵燹焚燬今址存

國朝分防官署未建初住府館康熙三十年灾燬今
寄住朝元觀

武備

演武場 在城西一里

演武亭 在城北舊設有磚瓦
官廳一座今圯址存

營堡

灌陽縣志

卷之八 兵防

三

明營二
堡四

東關外營 在城東防守
打手三十名

西關外營 在城北一里防守打手三十名俱
萬曆二十九年知縣夏之時建

獅子堡 在城西南二十里
防守狼兵八十名
三峯堡 在城南三十里防
守狼兵十八名

新安堡 在城西六十里防
守打手二十名
栗木堡 在城西六十里打
手八名狼兵四名

後又設寨五堡十

巖寨 月山寨 春立寨 掛子寨 李公寨

杉木堡 峯山堡 仁山堡 江東堡 傅山堡

板橋堡 赤巖堡 文村堡 官莊堡 木老堡

要

要

關隘

石匱關 在城北八景之一曰石匱歸樵

昭義關 在城北六十里 永安關 在城北八十里楚粵交界

定岡隘 在城西一百一十里正德十四年張華督修守禦

以上營堡關隘皆設以防寇者 廢今俱

國朝革其軍卒今設崇順隘撥守兵二十名防汛

寨

蓮花寨 縣西十五里地名豐下屯

真武寨 縣北十里地名排復岡

龍岸寨 縣西五里

黃牛寨 縣西四里

灌陽縣志

卷之八 兵防

小江源寨 縣東南二十里名秀江屯

烏龜寨 縣西五里

太平寨 縣北十四里地名蔡所屯

白面寨 縣西八里

仁山寨 縣西十里地名仙源洞

貴魚寨 縣西九里

吉寧寨 縣西百里

觀音寨 縣西三里觀音岩上

王樓寨 縣西三里

白沙寨 縣西三里

俊山寨 縣西三十五里原名槽山

魯塘寨 縣西一百一十里

寧江寨 縣西十五里

獅子寨 縣西三里

馬山寨 縣西南三十里

人頭寨 縣西四里

獨山寨 縣西四十里

下薛寨 縣西九里

水口寨縣西一百里

以上各寨俱民間修築以避寇者廢今俱

道路

東出德化門至馬口石五里至秀江屯十里至孫家嶺十五里

至昌家渡三十里至蔣家嶺六十五里道州界

南出鎮遠門至下臺五里至古鍾源十五里至三峯山三十里

里永明縣界

西出崇順門至王樓渡三里至牛頭口村五里至范所十里

至鄉繼村十五里至雀兒山二十里至唐官屯二十里至

灌陽縣志

卷之八

兵防

五

白沙村三十里至俊山村四十五里至烏龜山五十里至老

婢塘公館五十里至東江峽八十里至東江上七下八

八十里至崇順司九十里至定岡隘一百十里恭城縣界

北出龍川門至心田村三里至寺木村七里至排復岡十里

至姚家村十五里至赤頭岡二十里至新墟三十里至粟

灣三十里至下坪田四十里至瓦窰五十里至文村五十里

至巨巖村七十里至昭義六十里至會湘橋七十里全州界

灌陽之寇密邇恭城北鄉且與南江源勢江東寨

青水諸峒巢近故時時剽掠然寇至必由東鄉入

唐黃過陶川江經平原臺塘大畔源乃尋山徑肆
害於灌百姓曠土裹糧有限寇來去無置足之地
不過棲息草莽踪跡易露則我亦易追襲彼安敢
長驅數犯哉聞之洪武初邑未有猺獞也永樂間
邑人薛昌黃秉仲輩始招至二三耕作無敢寇害
自正德乙亥賊大猖獗其後占踰遂繁而恭城田
主潘欽輩廣為招集湖北諸種幾遍臺塘灌之富
人又引古田獞夾板猺散布田間名則藉力耕種
實陰通羣寇為害不細今耕作既久林蘄漸盡田

原曠土編布墾種民饜山澤之利結廬保守遠近
相望無復昔日梟獍之處 見全州志

單父牧曰灌邑設在全州之東南一百二十里水
陸俱可通而大勢却在桂林之東北水路由全州
紆迴而上到桂林五百餘里陸路由建安司轉西
南三百二十里若西走山路由魯塘鼓子嶺延沙
界等地方僅有二百二十里然山路峻嶮止可步
行轎馬則不能施矣又考灌陽昔為全州之清湘
驛乃由州入平樂之孔道也山路僅三百四十里

較走桂林則大捷矣然水路不通商賈圖便走桂林驛遞遂廢然由全州取便入平樂莫有逾焉者也又東接湖廣之道州經文村大營等堡一百四十里入州城南雖與湖廣之永明縣接然出城十里之外皆青山險絕無路可通西九十里觀音閣設崇順司巡檢一員弓兵二十名防守此則灌之西界再八十里即入恭城矣北五十里羅板田設舖司大路與全州接壤再七十里則入全州城矣此灌之東南西北大勢也其境內形勝西北自羅

板田起五十里入縣又轉西九十里至崇順司東西縱共一百四十里中通一水如帶百姓枕河而居橫南北兩岸數里之外皆青山無復民居東北有下歸化里獯民西北有上歸化里獯民為民無多頗稱淳良至境內之水由牛江發源紆曲層折五十餘里皆暴瀑至俊山黃牛寨河水稍平可容小舟四十里過縣前轉東北經大龍三桂大埠等灘皆險灘也四十里過伍家灣五十里過文村六十里過昭義皆屬境內居民亦有商賈畧集六十

里至全州與湘江合今稱三江會口灌江其一也
第灌江上流大山隔絕不能與平樂大江通故行
者寥寥稱僻地焉

按灌邑西鄰恭城南鄰永明但自定岡隘以南山
勢延亘接通富川賀縣各界而平原臺塘皆恭城
之地大畔源為永明之地皆不能越境置守今恭
富與本邑各境雖有獠人居住但屋舍星散不成
村落且山林深密路逕多岐寇之出沒亦未可賴
其悉諳也然則大荆源大溪洲響水巖毛竹江陡

水源大竹山烏坭塘判官山安樂源陳蒲江頭道
水皆與平原大畔相通極為險要寇盜出入必由
之路不可不時存於心目之間也下鄉之陣伯界
牌下歸化小路勒塘各處又與道州全州接壤亦
宜嚴密保固其魯塘盤江山鹽田源烈溪源沙羅
源大源小龍牛埠嶺
烏石岡上歸化一帶上界興安下界
全州雖屬內地然山勢高大連接寫遠安不忘危
似亦未置之不道也惟保民者留意焉